

Minister: ‘A firma 3 MB sumamente importante pa e relacion entre FCCA y gobierno’

ORANJESTAD - Minister di Desaroyo Teritorial, Infraestructura y Medio Ambiente, Otmar Oduber conhuntamente cu minister di Asuntonan Social Glenbert Croes y Edwin Tromp di FCCA, a anuncia y firma 3 Ministeriele Beschikking (MB) ‘sumamente importante’ pa e relacion entre FCCA y gobierno, den cuadro di e plan social cu gobierno a pone un enfasis hopi grandi riba dje. Esaki segun un comunicado ricibi di gobierno.

E proceso a cuminsa for di december 2017, unda cu desde e prome encuentronan, ya caba a menciona cu kier ‘tin un relacion nobo’ cu FCCA.

“Un relacion basa riba confianza y e meta comun cu cual

a lanta FCCA. Teniendo na cuenta cu awor e impacto riba nos comunidad ta di tal forma cu no tin un otro forma di traha si no ta den conhuntio, pa por logra ehecuto e plan social cu colega encarga cu Asuntonan Social y gobierno a para pe, cual ta conduci na 3 MB sumamente importante”, minister Oduber a splica.

E MB nan aki ta bin a base di un Memorandum of Understanding (MoU) cu a firma caminda cu a palabra cu despues di hopi aña un convenant a wordo firma entre gobierno y FCCA, ‘tocante e forma cu ta bay traha cu otro’ y unda kier yega cu FCCA. Den e seno politico semper a referi cu no a pone e presion suficiente pa logra e anhelo pa traha casnan social durante e ultimo añanan. Danki

na e esfuersonan adicional cu FCCA, su directiva/ maneho a haci y cu tin un organizacion sano financieramente, a conduci cu por construi casnan adicional social.

Minister Oduber ta splica cu e aña aki kier a logra e meta pa cuminsa cu algun construccion, cual a mira algun ya a cuminsa entrega caba y otronan ta den construccion. Asina kier logra e meta cu pa aña por construi 200 cas social. Cas social den un bachi nobo, unda cu e forma y tecnica pa construi ta diferente

“A logra convence DOW tambe di e metodonan nobo, pa por sostene un deficit (presion) hopi grandi cu tin riba e minister di Asuntonan Social y na FCCA pa cas. A concorda e listanan y tin casi

2700 hende cu ta wardando riba un cas social. Personanan den e grupo aki no necesariamente tin problema social, sino tin otro factornan cu ta crea dificultad pa yega na un dak riba nan cabeas. Cual ta e concepto nobo cu ta enfocando riba dje tambe hunto cu FCCA”, minister Oduber ta enfatisa.

A firma 3 MB

Un di e MB nan ta encera cu ta forma un ‘toetsingscommissie’, caminda cu ta bay tin cierto cantidad di casnan, unda cu ta atende cu e reto di ora cu hende keda riba caya pa un periodo cortico sin por yega na un cas. E di dos comision ta esun di ‘toetsing’ di personanan cu ta bin na remarca pa haya casnan.

Conforme criterionan, ‘fiha riba cual ta midi esunnan

cu segun prioridad ta bin na remarca pa haya un cas’. E parti bunita y nobo ta cu e minister di Asuntonan Social ta haya un ‘inbreng’ pa defende e prioridad. E tercer MB cu a firma ta encera cu den ehecucion di construccion di cas social, e minister di Infraestructura ta haya un posicion conhuntio cu FCCA pa determina e ‘toetsingscriteria’ pa construccion, tecnologia nobo uza y e forma cu ta calcula prijsnan di e casnan.

“Mi ta gradici e team completo cu a haci e posibel pa yega na e punto aki den menos cu un aña di gobernacion y a anuncia cu lo sigui traha na e colaboracion entre FCCA y Gobierno di Aruba”, minister Oduber a finalisa